



Ornes / Kinsedal Grunneigarlag
v/Odd John Bugge

Svar - Løyve til å setje ut setjefisk i Nystølstjørni ved Ornes i Luster kommune

Vi viser til dykkar søknad datert 10.08.16. Søknaden er sendt til Luster kommune som har sendt han vidare til fylkeskommunen 06.09.2016. Det er fylkeskommunen som gjev løyve til utsetting av innlandsfisk i område som ikkje er påverka av vassdragsregulering.

Søknaden gjeld løyve til å setje ut 100 setjefisk Nystølstjørni i 2016. Luster kommune spesifiserer at søknaden i tillegg gjeld utsetting av 50 fisk kvart år dei neste fire åra. Setjefisken kjem frå anlegg i Fortun og stammer frå aurebestanden i Hafsløvatnet. Luster kommune opplyser om at fisken ikkje gyt i vatnet og at det er sett ut fisk i vatnet med jamne mellomrom på 2000- talet.

Nylandstjerni renn ned i Kinsedalselvi og vidare ut i Lustrafjorden og ligg på nærmare 900 høgdemeter. Vatnet har eit areal på 0,02 km².

Fylkeskommunen gjev løyve til å setje ut inntil 250 innlandsaure (*Salmo trutta*) i Nystølstjørni med tilhøyrande bekker/elvar fordelt på perioden 2016 – 2019 (med heimel i § 3 i forskrift av 11. nov. 1993 om utsetting av fisk og andre ferskvassorganisme). Ein revidert plan over kultiveringssoner kan endre på kor setjefisken bør takast frå.

Følgjande vilkår/føresetnader ligg til grunn for løyvet:

- Det skal berre setjast ut fisk i vatn/elvestrekningar der det tidlegare er sett ut fisk/har vore fisk.
- Fiskerettshavarane må stå for utsetjing eller eventuelt samtykke til utsetjing
- Setjefisken skal stamme frå Hafsløbestaden (frå anlegg i Fortun) eller vere i samsvar med ein revidert plan for kultiveringssoner.
- Det skal ikkje setjast ut fisk i naturleg fisketome vatn/elvestrekningar.
- Talet utsett fisk må tilpassast produksjonsgrunnlaget i vatna/elvestrekningane.
- Fiskeutsettingane må avklarast med veterinærstyresmaktene (Mattilsynet).
- Ei oversikt over kor fisken er satt ut, ca. storleik på fisken og tidspunkt for utsetting, skal årleg rapporterast til fylkeskommunen.

Klagerett

Etter reglane i forvaltningslova kan de klage på dette vedtaket innan tre veker til Miljødirektoratet. Eventuell klage med grunngjeving må sendast om fylkeskommunen som kan ta klagen heilt eller delvis til følge, eller sende den vidare til klageinstans for endeleg avgjerd.

Med helsing

Endre Høgalmen
assisterande fylkesdirektør for næring og kultur

Merete Farstad
seniorrådgjevar

Brevet er elektronisk godkjent og er utan underskrift

Mottakar (ar)

Ornes / Kinsedal Grunneigarlag v/Odd John Bugge

Kopi til:

Mattilsynet Sør og Vest Postboks 383 2381 BRUMUNDDAL
Fylkesmannen i Sogn og Fjordane Njøsavegen 2 6863 LEIKANGER
Luster kommune Rådhuset 6868 GAUPNE